



ELEKTROPRIJENOS BIH ЕЛЕКТРОПРЕНОС БИХ

Broj: JN-OP-801-20/2024

Datum: 09-09-2025

PREDMET: Pojašnjenje tenderske dokumentacije

U sjedištu Ugovornog organa dana 26.08.2025. godine pod brojem protokola: JN-OP-801-17/2024 i dana 29.08.2025. godine pod brojem protokola JN-OP-801-18/2024 zaprimljeni su Zahtjevi za pojašnjenje tenderske dokumentacije, broj: JN-OP-801-6/2024 u postupku javne nabavke (Nabavka Rekonstrukcije TS 110/x kV Goražde 1), dostavljeni od strane privrednih subjekata (General Engineering d.o.o. i BG Energo-Tim d.o.o. Prijedor), u kojima se traže sljedeća pojašnjenja:

Pitanje 1: (General Engineering d.o.o., 26.08.2025.)

Na stranici 242 tenderske dokumentacije pod tačkom 1.3 Opseg isporuke stavke 3 navedeno je da treba "Predvidjeti zamjenu PROFIBUS komunikacionih kartica sa odgovarajućim IEC 61850 karticama. Zamjena se odnosi na sve SIPROTEC 4 uređaje (upravljački, distantni, diferencijalni)." Da li možete da nam podijelite listu uređaja SIPROTEC 4 sa tačnim nazivima za koje treba predvidjeti zamjenu ovih komunikacionih kartica, jer tu informaciju nemamo u tenderskoj dokumentaciji.

Pitanje 2: (BG Energo-Tim d.o.o. Prijedor, 29.08.2025.)

Tenderskom dokumentacijom, član 17, tačka 7.2, se za prekidače 123 kV, pod a1) Nacrti, zahtijeva da ponuđači između ostalog dostave natpisnu pločicu pogonskog mehanizma i upravljačkog ormara. Isto se zahtijeva i kod dokumentacije koja se dostavlja po potpisu ugovora. Možda je u pitanju greška u formulisanju zahtjeva. Pošto neki ponuđači nemaju posebne natpisne pločice na pogonskim mehanizmima i na upravljačkom ormaru, već samo natpisnu pločicu prekidača, da li je prihvatljiva izjava ponuđača da na pogonskom mehanizmu i upravljačkom ormaru nema natpisne pločice?

Pitanje 3: (BG Energo-Tim d.o.o. Prijedor, 29.08.2025.)

U opisu SN postrojenja stoje neusaglašeni zahtjevi za načinom ugradnje. U tabeli TEHNIČKA SPECIFIKACIJA ZA POSTROJENJE 12(24) kV ZA UNUTRAŠNJU MONTAŽU se zahtijeva "slobodnostojeća"- prizidna izvedba (strana 174/415), dok u Opštim napomenama (strana 194) stoji samo "slobodnostojeća". Molimo UO da potvrdi da je prihvatljiva i prizidna izvedba postrojenja, tj. izvedba koja omogućava pristup svim dijelovima postrojenja (naročito za kablovski odjeljak) samo sa prednje strane.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

Odgovor 1:

Dostavljamo sljedeću listu:

1. Polje DV 110 kV Foča (EA01); Uređaj (MLFB) 7SA61115AB427PR4; Broj 1009073234
2. Polje DV 110 kV Pale (EA04); Uređaj (MLFB) 7SA61115AB427PR4; Broj 1009073233
3. Polje DV 110 kV Goražde 2 (EA07); Uređaj (MLFB) 7SA61115AB427PR4; Broj 1009073232
4. Polje T1-110/35/20 kV (EA02); Uređaj (MLFB) REG-DA ver. 2.20; Broj M10083470
5. Polje T2-110/35 kV (EA05); Uređaj (MLFB) REG-DA ver. 2.20; M10083469

Odgovor 2:

U TD tačka D.2 Prekidači 123 kV, u okviru Dokumentacije obavezne za dostavu po potpisu Ugovora (str.108/415) i Dokumentacije koja se podnosi zajedno sa ponudom (str.119/415), uspostavljen je zahtjev za dostavom natpisne pločice pogonskog mehanizma i natpisne pločice upravljačkog ormara. U slučaju da proizvođač prekidača natpisnom pločicom ne obilježava oba ormara - pogonski i upravljački, saglasni smo da ponuđač u dokumentaciji obaveznoj za dostavu priloži samo jednu natpisnu pločicu uz obrazloženje ponuđača u kojem je potrebno navesti da proizvođač prekidača radi samo jednu natpisnu pločicu za tip prekidača koji je predmet ponude.

Odgovor 3:

Saglasni smo da se za SN ćelije specificirane u TD, tabela Tehnička specifikacija za postrojenje 12(24) kV za unutrašnju montažu, za opremu na pozicijama Br.stavke 1 – Br.stavke 4.1, vezano za specificirane zahtjeve u okviru podnaslova tip ćelije mogu ponuditi SN ćelije: slobodnostojeća ćelija ili prizidna ćelija. U skladu sa navedenim doći će do izmjene tenderske dokumentacije.

Vezano za Opšte napomene na str.194/415 dajemo pojašnjenje da termin "slobodnostojeća" u kontekstu pomenute napomene se odnosi prije svega na način montaže ćelija, te da isti u kontekstu opšte napomene ne definira način pristupa opremi unutar ćelije.

S poštovanjem,

Predsjednik Komisije
za JN-OP-801/2024

Dubravka Livnjak